

**Pravila za unutardnevnu dodjelu  
prekograničnih kapaciteta  
na granici regulacionih oblasti  
Nezavisnog operatora sistema u BiH (“NOSBiH”)  
i Crnogorskog elektroprenosnog sistema AD (“CGES”)**

Septembar 2019.

## SADRŽAJ

Odjeljak 1. Uvod.....	8
Član 1.1. Opće napomene .....	8
Član 1.2. Procedura dodjele prava na unutarnevni kapacitet.....	8
Član 1.3. Opći aspekti Pravila za unutarnevnu dodjelu prekograničnih kapaciteta.....	8
Odjeljak 2. Opće odredbe .....	9
Član 2.1. Unutarnevni ATC .....	9
Član 2.2. Objavljivanje relevantnih informacija na internet stranicama NOSBiH-a.....	9
Član 2.3. Osnov po kome se nudi Unutarnevni ATC .....	9
Član 2.4. Garantovanje Dodijeljenih unutarnevni kapaciteta .....	9
Član 2.5. Sekundarno tržište .....	9
Član 2.6. Plaćanja .....	10
Odjeljak 3. Uslovi za učesće.....	10
Član 3.1. Uslovi za registraciju.....	10
Član 3.2. Obavještenje o promjenama .....	11
Odjeljak 4. Isključenje Korisnika .....	11
Odjeljak 5. Alokaciona platforma.....	12
Član 5.1 Opći uslovi .....	12
Član 5.2 Pristup alokacionoj platformi .....	12
Odjeljak 6. Procedura za dodjelu unutarnevni kapaciteta.....	13
Član 6.1. Utvrđivanje i objavljivanje Unutarnevni ATC-a.....	13
Član 6.2. Dodjela Unutarnevni ATC .....	13
Član 6.3. Obavještenje o rezultatima dodjele kapaciteta .....	14
Odjeljak 7. Korištenje dodijeljenog unutarnevni kapaciteta.....	14
Član 7.1. Nominacija Dodijeljenog unutarnevni kapaciteta .....	15
Član 7.2. Pravila unutarnevni usklađivanja .....	15
Odjeljak 8. Otkazivanje procedura unutarnevni dodjele kapaciteta.....	15
Odjeljak 9. Ograničavanje kapaciteta .....	16
Odjeljak 10. Razno.....	16
Član 10.1. Ograničenje odgovornosti .....	16
Član 10.2 Viša sila .....	16

Član 10.3. Očuvanje cjelovitosti.....	17
Član 10.4. Povjerljivost podataka .....	17
Član 10.5. Dopune i izmjene.....	17
Član 10.6. Zakoni koji se primjenjuju i rješavanje sporova .....	18
Član 10.7. Obavještenja .....	18
Član 10.8. Spisak aneksa .....	18
Aneks 1. Registracioni formular .....	19
Aneks 2. Spisak osoba za kontakt.....	22
Aneks 3. Rokovi za unutarnevne procedure .....	23
Aneks 4. Registracija na alokacionu platformu .....	24

## Pojmovi i definicije

U *Pravilima za unutardnevnu dodjelu prekograničnih kapaciteta* (uključujući anekse i formulare) pojmovi definirani u ovom odjeljku (što se odnosi i na množinu gdje je to neophodno) imaju značenja navedena u ovom odjeljku (osim ako kontekst ne zahtijeva drugačije).

<b>Alokaciona platforma</b>	Elektronska web-zasnovana aplikacija sa ograničenim pristupom kojom upravlja <i>Dodjeljivač prijenosnog kapaciteta</i> dostupna na adresi <a href="https://scheduling.nosbih.ba/Scheduling-System/PROD/Web-Site/">https://scheduling.nosbih.ba/Scheduling-System/PROD/Web-Site/</a> . Unutardnevna alokacija koju provodi <i>Dodjeljivač prijenosnog kapaciteta</i> vrši se preko <i>Alokacione platforme</i> .
<b>Vanredne situacije</b>	Uslovi i/ili događaji i/ili okolnosti koji na osnovu stručne ocjene <i>NOSBiH-a</i> i/ili <i>CGES-a</i> predstavljaju rizik za sigurnost isporuke, snabdijevanja ili prijenosa električne energije, ili tehničku bezbjednost predmetnog nacionalnog prijenosnog sistema, ili njegovog značajnijeg dijela, kao što su, bez ograničavanja samo na njih, oni izazvani djelovanjem Više sile i/ili neplaniranim stanjima u mreži.
<b>Viša sila</b>	Uslovi i/ili događaji i/ili okolnosti koji, ili čije posljedice su izvan realne kontrole <i>NOSBiH-a</i> i/ili <i>CGES-a</i> , a koji se ne mogu spriječiti niti prevazići uz realna predviđanja i djelovanje, kao što su, ali ne ograničavajući se na međunarodne nametnute slobodne tokove električne energije, atmosferske pojave koje nisu mogle da se izbjegnu zbog njihovog uzroka ili zbog njihovog obima ili trajanja, neočekivane ili neizbježne havarije ili ograničenja rada proizvodnih kapaciteta, ako <i>NOSBiH</i> i/ili <i>CGES</i> jedino protiv njih mogu preduzeti mjere kojima se ugrožava sigurnost isporuke i snabdijevanja, i/ili ono što ne može biti riješeno mjerama koje su sa tehničke, finansijske i/ili ekonomske tačke gledišta realno moguće za <i>NOSBiH</i> i/ili <i>CGES</i> .
<b>Dnevna aukcija</b>	Aukcija obavljena u skladu sa <i>Pravilima za dnevne aukcije kod dodjele prijenosnih kapaciteta na granici regulacionih oblasti Crnogorskog elektroprenosnog sistema AD („CGES,“) i Nezavisnog operatora sistema u Bosni i Hercegovini („NOSBiH,“).</i>
<b>Dodijeljeni kapacitet</b>	<i>Kapacitet</i> koji je dodijeljen u godišnjim, mjesečnim i dnevnim alokacionim procedurama
<b>Dodijeljeni unutardnevni kapacitet</b>	<i>Kapacitet</i> dobijen kao rezultat alokacionog postupka koji provodi <i>Dodjeljivač prijenosnog kapaciteta</i> u unutardnevnoj alokacionoj proceduri na način definiran u odjeljku 6 <i>Procedura za raspodjelu unutardnevnog kapaciteta</i> .
<b><i>Dodjeljivač</i></b>	<i>NOSBiH</i> (u funkciji <i>Dodjeljivača prijenosnog kapaciteta</i> ). <i>NOSBiH</i>

<b>prijenosnog kapaciteta</b>	podliježe svim pravima i odgovornostima koje su date <i>Dodjeljivaču prienosnog kapaciteta</i> .
<b>EIC kod</b>	Identifikacioni kod koji služi za jasnu identifikaciju subjekata u prekograničnoj razmjeni;  (vidjeti: <a href="https://www.entsoe.eu/data/energy-identification-codes-eic/eic-approved-codes/">https://www.entsoe.eu/data/energy-identification-codes-eic/eic-approved-codes/</a> )
<b>CGES (Crnogoski elektroprenosni sistem AD)</b>	Crnogorski elektroprenosni sistem ad, sa sjedištem u Podgorici, Bulevar Petra Cetinjskog 18, Crna Gora koje je registrovano kod Privrednog suda pod matičnim brojem 02751372.
<b>ENTSO-E</b>	Udruženje evropskih operatora prienosnih sistema za električnu energiju.
<b>Zahtjev</b>	Zahtjev koji <i>Korisnik</i> šalje da bi stekao pravo na <i>Unutardnevni ATC</i> .
<b>Identifikacija ugovora o kapacitetu /Capacity Agreement Identification/ (u daljem tekstu "CAI")</b>	Oznaka koja na jedinstven način identificira <i>Pravo na kapacitet</i> .
<b>ITR (Interconnection Trade Responsible) / Strana odgovorna za interkonektivnu razmjenu /</b>	Učesnik na tržištu koga <i>Operatori prienosnih sistema</i> prepoznaju kao odgovornog za prijavu po <i>Dodijeljenom kapacitetu</i> . On mora biti identificiran <i>EIC kodom</i> . Sa strane <i>CGES-a</i> to je učesnik na tržištu sa važećim ugovorom o balansnoj odgovornosti zaključenim sa <i>CGES-om</i> . Sa strane <i>NOSBiH-a</i> to je pravno lice koje posjeduje Licencu za djelatnost međunarodne trgovine električnom energijom koju je izdala Državna regulatorna komisija za električnu energiju u BiH
<b>Kapacitet</b>	Prekogranični prienosni kapacitet u MW.
<b>Korisnik</b>	Učesnik na tržištu koji ispunjava preduslove za učešće u proceduri dodjele unutardnevnog kapaciteta najmanje jedne od strana ( <i>NOSBiH</i> i <i>CGES</i> ) u skladu sa članom 3.1 ovih <i>Pravila</i>
<b>Metod prve prijave /First come - First serve method/</b>	metod dodjele kod kojeg se <i>Zahtjevi Korisnika</i> do vrijednosti <i>Unutardnevnog ATC-a</i> obrađuju isključivo na osnovu vremena njihovog Prijema i bez primjene bilo kojih drugih kriterijuma
<b>Nominacija</b>	Obaveza <i>Korisnika</i> da obavijesti <i>Operatore prienosnih sistema</i> o svojim <i>Planovima razmjena</i> izraženim kao snaga razmjene u MW koja se kreće do vrijednosti definirane dodijeljenim <i>Pravom na kapacitet</i> , ili koja je

	jednaka vrijednosti dodijeljenog <i>Prava na unutardnevni kapacite</i>
<b>NOSBiH (Nezavisni operator sistema u Bosni i Hercegovini)</b>	Pravno lice sa registrovanim sjedištem u Sarajevu, ulica Hifzi Bjelevca 17, Bosna i Hercegovina, upisano u Registar pravnih lica BiH koji se vodi u Ministarstvu pravde BiH pod brojem: 08-50.3-7-3/05
<b>Nosilac prava na kapacitet</b>	Pravno lice ( <i>Korisnik</i> ) koji je dobio unutardnevni <i>Kapacitet</i> u toku postupka unutardnevne dodjele kapaciteta
<b>Ograničavanje Dodjeljenih kapaciteta</b>	Smanjenje <i>Kapaciteta</i> u <i>Vanrednim situacijama</i> , uključujući <i>Višu silu</i> , na granici regulacionih oblasti <i>NOSBiH</i> i <i>CGES</i> kada <i>CGES</i> i <i>NOSBiH</i> moraju hitno djelovati
<b>Operator prijenosnog sistema</b>	Pravno lice odgovorno za rad, obezbjeđivanje održavanja i, ako je potrebno, razvoj prijenosnog sistema u datoj oblasti i gdje se to može primjeniti i njegovih interkonekcija sa drugim sistemima, kao i za obezbjeđivanje dugoročne sposobnosti sistema radi ispunjenja realnih potreba za prijenosom električne energije
<b>Operatori prijenosnih sistema</b>	Operatori prijenosnog sistema koji učestvuju u zajedničkoj alokacionoj proceduri, tj. <i>NOSBiH</i> i <i>CGES</i>
<b>Plan razmjene</b>	<i>Prekogranična transakcija</i> koju dostavlja <i>Korisnik</i> , u kojoj navodi snagu u MW za svaki sat nekog dana.
<b>Pravila za unutardnevnu dodjelu prekograničnih kapaciteta</b>	Pravila za unutardnevnu dodjelu prekograničnih kapaciteta na granici regulacionih oblasti Nezavisnog operatora sistema u BiH (“ <i>NOSBiH</i> “) i Crnogorskog elektroprenosnog sistema AD (“ <i>CGES</i> “).
<b>Pravo na kapacitet</b>	Pravo ( <i>Korisnika</i> ) da koristi <i>Dodijeljeni kapacitet</i> za prijenos električne energije, izražen u MW.
<b>Pravo na unutardnevni kapacitet</b>	Se odnosi na obavezu <i>Korisnika</i> da iskoristi <i>Dodijeljeni unutardnevni kapacitet</i> , u njegovom punom iznosu, za razmjenu električne energije izraženu u MW.
<b>Prekogranična transakcija</b>	Fizička razmjena električne energije između regulacionih oblasti <i>CGES</i> i <i>NOSBiH</i> .
<b>Radni dan</b>	Kalendarski dani od ponedjeljka do petka, sa izuzetkom državnih praznika u BiH.
<b>Raspoloživi unutardnevni</b>	Dio neto prijenosnog kapaciteta (NTC) koji ostaje raspoloživ nakon dnevne alokacione procedure (uzimajući u obzir efekte netovanja na osnovu

<b>prijenosni kapacitet</b> (u daljem tekstu: “Unutardnevni ATC”)	prijave u suprotnom smjeru) i nakon svake faze unutardnevne alokacione procedure.
<b>SEV</b>	Srednjoevropsko vrijeme
<b>Uredba EU</b>	Uredba br. 714/2009 Evropskog Parlamenta i Vijeća Evrope od 13. jula 2009. godine o uslovima za pristup mreži za prekogranične razmjene električne energije.

## **Odjeljak 1. Uvod**

### **Član 1.1. Opće napomene**

*Pravila za unutarnevnu dodjelu prekograničnih kapaciteta* propisuju rokove i uslove dogovorene između NOSBiH-a i CGES-a u svojstvu *Operatora prijenosnog sistema* u njihovim regulacionim oblastima, u svrhu dodjele i korištenja *Unutarnevnog ATC-a* u oba smjera, na granici BiH - Crna Gora. Dodjela i korištenje *Unutarnevnog ATC-a* nije komercijalno motivirana aktivnost, već je njen cilj da se obezbijedi transparentna metoda upravljanja zagušenjem.

*Pravila za unutarnevnu dodjelu prekograničnih kapaciteta* uređuju dodjelu i korištenje *Unutarnevnog ATC-a*.

Unutarnevne procedure opisane u ovim *Pravilima za unutarnevnu dodjelu prekograničnih kapaciteta* su u skladu sa važećim pravilima koja se odnose na sigurnost prijenosnog sistema i ne utiču na obim i korištenje kapaciteta koji je već dodijeljen u godišnjim, mjesečnim i dnevnim aukcijama.

### **Član 1.2. Procedura dodjele prava na unutarnevni kapacitet**

*Unutarnevni ATC* dodjeljuje se u obliku *Prava na unutarnevni kapacitet* koja su *Nosioci prava na kapacitet* obavezni iskoristiti u punom iznosu. *Unutarnevni ATC* dodjeljuje *Dodjeljivač prijenosnog kapaciteta*, po *Metodi prve prijave*, saglasno Odjeljku 6.

U sklopu *Pravila za unutarnevnu dodjelu prekograničnih kapaciteta* NOSBiH postupa kao *Dodjeljivač prijenosnog kapaciteta* u ime NOSBiH-a i CGES-a.

NOSBiH i/ili CGES mogu, bez prethodnog obavještenja, u bilo koje vrijeme obustaviti ili prekinuti postupke koji se odnose na *Pravila za unutarnevnu dodjelu prekograničnih kapaciteta* u slučajevima kao što su npr. tehnički kvarovi.

Sve relevantne informacije u skladu sa članom 2.2 dostupne su na internet stranicama NOSBiH-a ([www.nosbih.ba](http://www.nosbih.ba)).

### **Član 1.3. Opći aspekti Pravila za unutarnevnu dodjelu prekograničnih kapaciteta**

*Pravila za unutarnevnu dodjelu prekograničnih kapaciteta* opisuju, između ostalog, i uslove koje učesnici na tržištu moraju ispuniti kako bi mogli da pristupe i koriste *Unutarnevni ATC*. Ograničenje odgovornosti je definirano članom 10.1. *Operatori prijenosnih sistema* mogu zajednički mijenjati i dopunjavati *Pravila za unutarnevnu dodjelu prekograničnih kapaciteta* kako bi poboljšali ili razjasnili odredbe i procedure i popunili praznine u skladu sa članom 10.5.

*Pravila za unutarnevnu dodjelu prekograničnih kapaciteta* ne pokrivaju opće aspekte pristupa sistemu radi korištenja dodijeljenih kapaciteta, osim ukoliko to nije drukčije propisano u ostalim



odredbama ovih pravila. *NOSBiH* i *CGES* izvršavaju usluge prijenosa saglasno zakonskim odredbama koje se odnose na pristup sistemu u svakoj regulacionoj oblasti i važećim pravilima o radu *NOSBiH*-a i *CGES*-a.

## **Odjeljak 2. Opće odredbe**

### **Član 2.1. Unutardnevni ATC**

Metodologija za izračunavanje *Unutardnevnog ATC*-a za granicu Bosna i Hercegovina - Crna Gora se zasniva na standardnoj *ENTSO-E* metodologiji uzimajući u obzir potvrđene planove razmjene po godišnjem, mjesečnom i dnevnom kapacitetu i efekat netovanja.

### **Član 2.2. Objavljivanje relevantnih informacija na internet stranicama NOSBiH-a**

Na internet stranicama *NOSBiH*-a posebno se objavljuju sljedeće informacije:

- a) *Pravila za unutardnevnu dodjelu prekograničnih kapaciteta* (važeća verzija);
- b) Imena, brojevi faksa i telefona, adrese elektronske pošte kontakt osoba iz *NOSBiH*-a;
- v) Korisničko upustvo za *Alokacionu platformu*;
- g) Formulari koje će koristiti *Korisnici* u alternativnoj proceduri;
- d) Ostale relevantne informacije.

### **Član 2.3. Osnov po kome se nudi Unutardnevni ATC**

*Unutardnevni ATC* se nudi u jedinicama od 1 MW, sa minimalnom vrijednošću od 1 MW. *Unutardnevni ATC* se nudi posebno za svaki sat.

### **Član 2.4. Garantovanje Dodijeljenih unutardnevnih kapaciteta**

*Unutardnevni ATC* se nudi po čvrstim uslovima, osim u slučaju ograničavanja u *Vanrednim situacijama* nakon preduzimanja svih drugih raspoloživih mjera u skladu sa odgovarajućim nacionalnim zakonodavstvom.

U slučaju *Ograničavanja Dodijeljenih kapaciteta*, *NOSBiH* i *CGES* će umanjiti *Dodijeljeni unutardnevni kapacitet* u skladu sa Odeljkom 9. *Korisnik* nema pravo ni na kakvu finansijsku nadoknadu koja se odnosi na *Dodijeljeni unutardnevni kapacitet*.

### **Član 2.5. Sekundarno tržište**

Prijenos prava ili preprodaja *Dodijeljenog unutardnevnog kapaciteta* nije moguća.

## Član 2.6. Plaćanja

*Nosilac prava na kapacitet ne plaća nikakvu naknadu za rezervaciju ili korištenje Dodijeljenog unutar dnevnog kapaciteta.*

## Odjeljak 3. Uslovi za učešće

### Član 3.1. Uslovi za registraciju

Da bi učestvovao u postupku dodjele unutar dnevnog *Kapaciteta* i koristio *Dodijeljeni unutar dnevni kapacitet* koji je proistekao iz tog postupka, učesnik na tržištu mora da postupa u skladu sa svim zahtjevima navedenim u *Pravilima za unutar dnevnu dodjelu prekograničnih kapaciteta* i da ispuni sljedeće predulove:

- **Na strani NOSBiH-a** – da je pravno lice koje posjeduje Licencu za djelatnost međunarodne trgovine električnom energijom koju je izdala Državna regulatorna komisija za električnu energiju u BiH i koje se za učešće na dodjeli kapaciteta registrovala kod *NOSBiH* – bosanskohercegovački *ITR*.
- **Na strani CGES-a** – da je pravno lice ili preduzetnik koji je zaključio ugovor o balansnoj odgovornosti sa *CGES-om* – crnogorski *ITR*.

Lista registrovanih bosanskohercegovačkih *ITR-a* i crnogorskih *ITR-a* za mjesec M objavljuje se na internet stranicama *NOSBiH-a* ([www.nosbih.ba](http://www.nosbih.ba)) i *CGES-a* (<http://www.cges.me/trziste/aukcije-kapaciteta>) najmanje tri (3) radna dana prije prvog dana mjeseca za koji je obavještenje validno.

Učesnik na tržištu je takođe dužan da pošalje *NOSBiH-u*, koji ima ulogu *Dodjeljivača prijenosnog kapaciteta*, tri potpisana primjerka Registracionog formulara (vidjeti Aneks 1) koji uključuje i izjavu o prihvatanju *Pravila za unutar dnevnu dodjelu prekograničnih kapaciteta*.

Ova tri potpisana primjerka Registracionog formulara moraju biti dostavljena *Dodjeljivaču prijenosnog kapaciteta* u pismenoj formi, poštom, preko dostavljača/kurira ili lično (vidjeti Aneks 2). Registracioni formulari dostavljeni faksom ili elektronskom poštom će biti ništavni i nevažeći i odbiće se slanjem obavještenja o odbijanju. Odbijeni Registracioni formular smatra se ništavnim i nevažećim od trenutka njegovog podnošenja.

*Dodjeljivač prijenosnog kapaciteta* može tražiti potvrdu informacija koje se nalaze u dostavljenim Registracionim formularima i u njihovim prilogima. *Dodjeljivač prijenosnog kapaciteta* ima pravo odbiti da registruje učesnika na tržištu u slučaju bilo kakvog odstupanja i/ili pogrešnog tumačenja Registracionog formulara.

*Dodjeljivač prijenosnog kapaciteta* će registraciju potvrditi ili odbiti tako što će učesniku na tržištu poslati obavještenje najkasnije tri (3) *Radna dana* pošto primi Registracioni formular.

Obavještenje o potvrdi ili odbijanju će biti poslato elektronskom poštom na adresu elektronske pošte koja se nalazi u Registracionom formularu. Ako *Dodjeljivač prijenosnog kapaciteta* odbije da registruje učesnika na tržištu, razlog, odnosno razlozi će biti navedeni u obavještenju o odbijanju.

Učesnik na tržištu je dužan dostaviti sve zahtijevane dokumente najmanje pet (5) *Radnih dana* prije planiranog početka učešća u procedurama za unutardnevnu dodjelu kapaciteta. Ako se ovaj krajnji rok propusti, *Operatori prijenosnog sistema* ne mogu da garantuju učešće u dodjeli kapaciteta tom učesniku na tržištu.

Registрован učesnik na tržištu koji ispuni sve uslove navedene u ovom članu smatra se *Korisnikom*.

### **Član 3.2. Obavještenje o promjenama**

Uslovi za učešće navedeni u *Pravilima za unutardnevnu dodjelu prekograničnih kapaciteta* moraju biti ispunjeni u svakom trenutku prilikom učešća u postupcima za dodjelu unutardnevnih kapaciteta. *Korisnik* je dužan da odmah, u pismenoj formi, obavijesti oba *Operatora prijenosnih sistema*, o bilo kakvim promjenama koje utiču na ispunjenje datih uslova.

Promjene u vezi podataka o kontakt osobama *Korisnika* i izjave navedene u formularima koje je dostavio *Korisnik* moraju biti saopćene *Operatorima prijenosnih sistema* u pismenoj formi, u roku od sedam (7) dana.

## **Odjeljak 4. Isključenje Korisnika**

Ako bi *Korisnik* na bilo koji način:

1. prekršio *Pravila za unutardnevnu dodjelu prekograničnih kapaciteta* (posebno, bez ograničenja samo na njega, ako krši Odjeljak 6);
2. ponašao se tako da štetno utiče na, ili je prijetnja konkurentnosti u procedurama dodjele unutardnevnog kapaciteta;
3. objavio bankrot, postao nesolventan, ili ako mu se obustavi plaćanje;
4. postane predmet zahtjeva za bankrot, nesolventnost ili obustavu plaćanja,

takvog *Korisnika* će, *NOSBiH*, odnosno *CGES*, isključiti iz procedura za dodjelu unutardnevnih kapaciteta, poslije potvrde drugog *Operatora prijenosnog sistema*, bez odlaganja. *Korisnik* će odmah biti obaviješten o isključenju putem faksa i elektronske pošte.

## **Odjeljak 5. Alokaciona platforma**

### **Član 5.1 Opći uslovi**

*Dodjeljivač prijenosnog kapaciteta će organizovati i provoditi zajedničke dodjele Unitardnevnog ATC-a elektronskim putem u korisničkom okruženju Alokacione platforme.*

*Dodjeljivač prijenosnog kapaciteta će Korisnicima obezbijediti dokumentaciju Alokacione platforme (na web sajtu <http://www.nosbih.ba>) i operativna uputstva vezana za korištenje Alokacione platforme, kao i Korisničku podršku.*

*Dodjeljivač prijenosnog kapaciteta zadržava pravo da promijeni provođenje poslovnih aktivnosti (da pređe na alternativnu proceduru) ili da suspendira proces u opravdanim slučajevima, naročito kada nastupe sljedeći tehnički problemi: opći kolaps interneta, kolaps svih internet veza Alokacione platforme, kolaps Alokacione platforme (servera, baze podataka ili pojava greške u aplikaciji Alokacione platforme) ili kolaps sistema za prijavu planova rada.*

*Svi Korisnici Alokacione platforme će bez odlaganja biti obaviješteni o stvarnoj operativnoj situaciji.*

*Prijem podataka će biti važeći samo ako su podaci prihvaćeni u Alokacionoj platformi prije definiranog krajnjeg roka.*

*Da bi se učestvovalo u alokacionoj proceduri, potrebno je podnijeti Zahtjev preko Alokacione platforme. Zahtjev koji ne ispunjava neki od uslova navedenih u Pravidima za unutarodnevnu dodjelu prekograničnih kapaciteta, će biti odbijen. Korisnik će dobiti poruku sa statusom Zahtjeva preko Alokacione platforme. Dodijeljeni unutarodnevni kapacitet ne može biti izmijenjen niti poništen.*

### **Član 5.2 Pristup alokacionoj platformi**

*Alokaciona platforma je dostupna svim Korisnicima koji imaju web pretraživač i korisnički nalog dobijen od Dodjeljivača prijenosnog kapaciteta. Nije potrebna dodatna instalacija ili modifikacija softvera.*

*Za pristup Alokacionoj platformi koristi se SSL/TLS (Secure Sockets Layer/Transport Layer Security) sertifikat.*

*Nakon što se Korisnik registruje, na Alokacionoj platformi se otvara njegov korisnički nalog. Korisnik je dužan da kompletno popunjen i potpisan Zahtjev za registraciju dostavi na alokacionoj platformi (videti Aneks 5). Potpisivanjem ovog zahtjeva Korisnik prihvata obaveze i pravila ponašanja utvrđena Pravidima za unutarodnevnu dodjelu prekograničnih prijenosnih kapaciteta. Zahtjev mora sadržati potpune i tačne informacije. Dodjeljivač prijenosnog kapaciteta će formirati korisnički nalog i lozinku u roku od tri (3) radna dana nakon dobijanja Zahtjeva za registraciju na alokacionoj platformi.*

Svaki *Korisnik* koji ima korisnički nalog obavještava se o uspostavljanju ili modifikaciji korisničkog naloga putem elektronske pošte na kontakt adresu koja je navedena u zahtjevu. Informacije koje *Dodjeljivač prijenosnog kapaciteta* šalje putem elektronske pošte obuhvaćće ulazni ključ koji se sastoji od korisničkog imena (login) i lozinke kad je riječ o novom korisničkom nalogu. Prilikom prvog prijavljivanja *Korisnik* je dužan da promijeni lozinku.

*Dodjeljivač prijenosnog kapaciteta* ima pravo da provjeri informacije navedene u Zahtjevu za registraciju na alokacionoj platformi koje pošalju potencijalni *Korisnici* i da ne otvori korisnički nalog u slučaju bilo kog neslaganja između datih podataka ili postojanja sumnje u njihovu tačnost. Ukoliko pronade bilo kakva neslaganja *Dodjeljivač prijenosnog kapaciteta* ima pravo da *Korisnika* onemogući pristup *Alokacionoj platformi*.

*Korisnik* je dužan da sve informacije koje se odnose na pristup *Alokacionoj platformi* čuva kao lične i povjerljive i biće odgovoran za bilo koje direktne ili indirektne štete koje nastanu kao rezultat bilo kakvog neovlaštenog otkrivanja takvih informacija. *Dodjeljivač prijenosnog kapaciteta* nije odgovoran ni za kakvo neovlašteno korištenje korisničkog imena i lozinke.

*Korisnik* ima jedan, jedinstveni ulazni ključ za unutarnevne i dnevne dodjele prekograničnih prijenosnih kapaciteta.

## **Odjeljak 6. Procedura za dodjelu unutarnevnoeg kapaciteta**

### **Član 6.1. Utvrđivanje i objavljivanje Unutarnevnoeg ATC-a**

*NOSBiH* će odrediti *Unutarnevni ATC* u svakom smjeru i za svaki sat, u skladu sa metodologijom opisanom u članu 2.1.

Vrijednosti *Unutarnevnoeg ATC-a* za dan D će biti dostupne na *Alokacionoj platformi* najkasnije do 18:00h (SEV) u danu D-1.

U slučaju dodatnih ograničenja u prijenosnim sistemima (koja se nisu mogla predvidjeti kada se proračunavao mjesečni NTC), vrijednosti *Unutarnevnoeg ATC-a* se mogu korigovati. *NOSBiH* ima pravo u toku dana izmijeniti *Unutarnevni ATC* na *Alokacionoj platformi*.

*Unutarnevni ATC* za određeni sat umanjuje se za vrijednost već *Dodijeljenog unutarnevnoeg kapaciteta* za taj sat i objavljuje se na *Alokacionoj platformi*.

### **Član 6.2. Dodjela Unutarnevnoeg ATC**

Samo *Korisnici* koji su se uspješno registrirali i koji su u potpunosti ispunili uslove definirane u Odjeljku 3 mogu da podnesu Zahtjev za *Unutarnevni ATC*. Podnošenje Zahtjeva, kao i preuzimanje rezultata vrši se isključivo preko *Alokacione platforme*.

Zahtjev (za dan D) se dostavlja *NOSBiH-u* preko *Alokacione platforme* počev od 18:00h (SEV) u danu D-1, najkasnije 60 minuta prije početka prvog sata na koji se unutarnevna *Prekogranična transakcija* odnosi. Minimalni zahtijevani kapacitet je 1 MW, a maksimalni je jednak vrijednosti

*Unutardnevnog ATC-a. U okviru jednog Zahtjeva, može biti tražena samo jedna vrijednost kapaciteta za jedan smjer i jedan ili više sati u danu D.*

### **Član 6.3. Obavještenje o rezultatima dodjele kapaciteta**

*Zahtjev svakog Korisnika će se obraditi u Alokacionoj platformi primjenom Metode prve prijave i Korisnik će o rezultatu biti odmah obaviješten preko Alokacione platforme. U slučaju da je Zahtjev prihvaćen, Korisnik će dobiti prava na kapacitet sa CAI. NOSBiH i CGES će odmah ovlastiti Korisnika sa CAI da upotrijebi Pravo na unutardnevni kapacitet (unošenjem Prava na unutardnevni kapacitet u sisteme za prijavu planova rada) i omogućiti prijavu planova rada u skladu sa lokalnim pravilima. Korisnik je dužan da izvrši Nominaciju po osnovu Prava na unutardnevni kapacitet najkasnije 60 minuta nakon dobijanja CAI. U suprotnom Korisnik gubi Pravo na unutardnevni kapacitet.*

*Opće informacije i rezultati o dodijeljenom unutardnevnom kapacitetu za dan D će biti objavljeni na internet stranicama NOSBiH-a ([www.nosbih.ba](http://www.nosbih.ba)) najkasnije do 18:00h (SEV) u danu D+1.*

## **Odjeljak 7. Korištenje dodijeljenog unutardnevnog kapaciteta**

*Nosilac prava na kapacitet i njegov ekskluzivni prekogranični partner (u daljem tekstu: partner) su obavezni da koriste cjelokupni iznos Prava na unutardnevni kapacitet. U ovom slučaju, Nominovana vrijednost kapaciteta jednaka je Pravu na unutardnevni kapacitet dobijenom u toku unutardnevnog procesa za svaki sat i smjer, i ono u potpunosti odgovara Nominaciji partnera. Ovu obavezu prati i nadzire Dodjeljivač prijenosnog kapaciteta.*

*Ako Nosilac prava na kapacitet prekrši ovu obavezu tri (3) puta u toku jedne (1) kalendarske godine, Operatori prijenosnih sistema (NOSBiH i/ili CGES) imaju pravo da Nosioca prava na kapacitet isključe iz procesa dodjele unutardnevnog kapaciteta za period od dvanaest (12) meseci. Dodjeljivač prijenosnog kapaciteta će na osnovu zahtjeva za isključenje koji je uputio Operator prijenosnog sistema dostaviti obavještenje o isključenju Nosiocu prava na kapacitet. Smatra se da je obaveza prekršena kada Nosilac prava na kapacitet (ili njegov partner) ne koristi (ili koristi djelimično) kapacitet najmanje jedan (1) sat u periodu za koji ga je dobio. Svaki sat za koji se ne koristi Pravo na unutardnevni kapacitet smatra se kao prekršena obaveza. Ovo isključenje se primjenjuje sa datumom navedenim u obavještenju, koji može biti najranije dan nakon što Dodjeljivač prijenosnog kapaciteta primi zahtjev za isključenje od Operatora prijenosnog sistema.*

*Korištenje rezervisanih prijenosnih Kapaciteta vrši se dostavom Planova razmjene NOSBiH-a i CGES-a, u skladu sa propisanim uslovima za pristup sistemu u svakoj regulacionoj oblasti i važećim tržišnim pravilima NOSBiH-a i CGES-a.*

## **Član 7.1. Nominacija Dodijeljenog unutar dnevnog kapaciteta**

*Nominaciju unutar dnevnih Planova razmjena vrše Nosilac prava na kapacitet i njegov partner kroz postojeće sisteme za prijavu planova razmjena oba Operatora prijenosnih sistema, u skladu sa lokalnim pravilima.*

Nominacija unutar dnevnih programa se mora napraviti kod oba operatora sustava u istom satu, a najkasnije 45 (četrdesetpet) minuta prije početka prvog sata na koji se unutar dnevna prekogranična transakcija odnosi (H-0h45min).

Ista pravila i formati podataka koriste se za postupak prijavljivanja *Planova razmjene* kao i kod prijave dnevnih *Planova razmjene* i planova baziranih na mjesečnim i godišnjim *Pravima na kapacitet*.

## **Član 7.2. Pravila unutar dnevnog usklađivanja**

Unutar dnevno usklađivanje provodi se poslije svake dodjele unutar dnevnog kapaciteta i svake nove *Nominacije*.

Usklađivanje između *Operatora prijenosnih sistema* će se vršiti između H-0h45 min i H-0h30min prije početka prvog sata nominovanih unutar dnevnih *Planova razmjena*, a potvrda *Nominacije* će se izvršiti najkasnije u H-0h25min.

Usklađivanje se vrši za cijeli dan.

Ako nema potvrde o usklađenosti *Nominacije* do H-0h25min, svi prijavljeni unutar dnevni *Planovi razmjena* povezani sa tom *Nominacijom* svode se na nižu vrijednost.

U slučaju neslaganja između unutar dnevnih *Planova razmjena* prijavljenih s obje strane granice, *NOSBiH* i *CGES* imaju pravo da izmijene i/ili postavbe nulte vrijednosti na prijavljene unutar dnevne *Planove razmjena*. Ni u kom slučaju *NOSBiH* i/ili *CGES* neće biti odgovorni ni za kakav gubitak profita, poslovni gubitak, niti za druge indirektno sporedne, posebne ili posljedne štete bilo koje vrste.

## **Odjeljak 8. Otkazivanje procedura unutar dnevne dodjele kapaciteta**

U slučaju *Više sile*, *NOSBiH* i/ili *CGES*, nakon preuzimanja svih raspoloživih mjera u skladu sa nacionalnim zakonodavstvom, mogu otkazati proceduru unutar dnevne dodjele kapaciteta. Takođe je moguće da se vrijednosti *Unutar dnevnog ATC* umanje. U tim slučajevima vrijednosti *Unutar dnevnog ATC-a* za odgovarajuće sate odmah se postavljaju na 0 ili drugu dogovorenu vrijednost. *Unutar dnevni ATC* ostaje promijenjen dok se oba *Operatora prijenosnih sistema* ne dogovore da povuku otkazivanje unutar dnevne procedure ili smanjenje *Unutar dnevnog ATC-a*.

Procedura unutardnevne dodjele kapaciteta može se otkazati usljed ozbiljnih poremećaja u funkcionisanju interneta, *Alokacione platforme* i ostalih informacionih sistema koje *NOSBiH* i/ili *CGES* koriste u unutardnevnom procesu. U slučaju izuzetnih okolnosti, *NOSBiH* će o tome obavijestiti sve *Korisnike* objavljivanjem obavještenja na internet stranicama *NOSBiH*-a, ako je to moguće.

## **Odjeljak 9. Ograničavanje kapaciteta**

U slučajevima *Ograničavanja kapaciteta*, koristi se sljedeći redoslijed smanjenja kapaciteta:

1. *Kapacitet* dodijeljen u unutardnevnoj dodjeli kapaciteta;
2. *Kapacitet* dodijeljen u godišnjoj, mjesečnoj i dnevnoj aukciji.

U okviru gore navedenih grupa *Kapaciteta*, koristiće se proporcionalno smanjenje, pri čemu će se smanjeni kapacitet zaokružiti na nižu cjelobrojnu vrijednost u MW.

*NOSBiH* i/ili *CGES* su dužni da *Nosioca prava na kapacitet* na koga ovo utiče i njegovog partnera odmah obavijeste o smanjenju.

*Nosiolac prava na kapacitet* nema pravo ni na kakvu finansijsku nadoknadu za smanjenje kapaciteta koji mu je dodijeljen u postupku dodjele unutardnevnog kapaciteta.

## **Odjeljak 10. Razno**

### **Član 10.1. Ograničenje odgovornosti**

*Operatori prijenosnih sistema*, bilo zajedno ili odvojeno, neće biti odgovorni *Nosiocu prava na kapacitet* za bilo kakve štete koje su nastale zbog njegovog učešća ili njegove nemogućnosti da učestvuje u postupku dodjele unutardnevnog *Kapaciteta*. *Nosilac prava na kapacitet* oslobađa odgovornosti *Operatore prijenosnih sistema*, solidarno i pojedinačno, u vezi potraživanja trećih lica povezanih sa takvim štetama. *NOSBiH* i/ili *CGES* neće ni u kom slučaju biti odgovorni za bilo koji gubitak profita, poslovni gubitak, niti za druge indirektno sporedne, posebne ili posljedne štete bilo koje vrste.

*NOSBiH* i/ili *CGES* se obavezuju da izvršavaju odredbe *Pravila za unutardnevnu dodjelu prekograničnih kapaciteta* profesionalno kao poslovni subjekti i operatori regulacione oblasti, u skladu sa *Uredbom EU* i zakonima i propisima koje su donijeli nadležni organi BiH i Crne Gore.

### **Član 10.2 Viša sila**

*NOSBiH* i/ili *CGES* se neće smatrati odgovornim za neizvršenje, pogrešno izvršenje, ili zakašnjelo izvršenje obaveza proisteklih iz *Pravila za unutardnevnu dodjelu prekograničnih*



*kapaciteta*, u mjeri u kojoj je takvo neizvršenje, pogrešno izvršenje ili zakašnjelo izvršenje obaveza nastalo zbog okolnosti na koje strana koja ima obaveze nije mogla da utiče, uključujući, ali ne ograničavajući se na, *Višu silu* ili druge okolnosti za koje relevantna strana nije odgovorna i koje ne mogu biti riješene mjerama koje, sa tehničke, finansijske i/ili ekonomske tačke gledišta, realno mogu preduzeti preduzeti *NOSBiH* i/ili *CGES*.

### **Član 10.3. Očuvanje cjelovitosti**

Bez obzira na posebne odredbe koje se nalaze u *Pravilima za unutardnevnu dodjelu prekograničnih kapaciteta*, nikakva izmjena ugovora između *NOSBiH*-a i/ili *CGES*-a s jedne strane i *Korisnika* s druge strane, ne može da se izvrši, ukoliko je nisu potvrdili, izvršili i, putem faksa ili elektronske pošte, u pismenoj formi dostavili *NOSBiH* i/ili *CGES*. Ako neki dio *Pravila za unutardnevnu dodjelu prekograničnih kapaciteta* i/ili njihovih Aneksa jest ili postane nevažeći, nezakonit, i/ili neizvršiv, preostali dio/dijelovi moraju i dalje biti važeći i primjenljivi, i na njih to ne bi trebalo da utiče. Bilo koji nevažeći, nezakoniti, i/ili neizvršivi dio/dijelovi, ili odredbe moraju biti zamijenjeni važećim, zakonitim i/ili primjenljivim dijelovima ili odredbama, da bi se, što je prije moguće, bolje ostvario namjeravani ekonomski i pravni efekat.

### **Član 10.4. Povjerljivost podataka**

Tokom rada po osnovu *Pravila za unutardnevnu dodjelu prekograničnih kapaciteta*, *NOSBiH* i/ili *CGES* i s njima povezana lica mogu da prime ili da imaju pristup povjerljivim podacima *Korisnika*. Povjerljivi podaci obuhvataju sve informacije dostavljene u pismenoj formi koje su označene kao "Povjerljive", ali i informacije date u nekoj drugoj formi, ako je osobi kojoj su takve informacije date, prije ili prilikom otkrivanja tih informacija, bilo predočeno da je riječ o povjerljivim podacima. *NOSBiH* i *CGES* su saglasni da se povjerljivi podaci čuvaju i da ih ne otkrivaju bez prethodne saglasnosti *Korisnika*, odnosno da povjerljive podatke u bilo kojoj formi ne stave na raspolaganje nekom trećem licu niti da povjerljive podatke upotrijebe u bilo koje svrhe koje nisu u vezi sa odredbama *Pravila za unutardnevnu dodjelu prekograničnih kapaciteta*, osim po nalogu državnih organa.

Odredbe ovog člana neće se primjenjivati na podatke otkrivene *NOSBiH*-u ili *CGES*-u, ako su:

- prije otkrivanja, ti podaci bili poznati u javnosti, ili ako poslije otkrivanja postanu poznati javnosti, ali ne greškom *NOSBiH*-a i *CGES*-a,
- prije otkrivanja već bili poznati *NOSBiH*-u i *CGES*-u ,
- poslije otkrivanja, iste podatke primili *NOSBiH* i *CGES* od trećeg lica koje nema obavezu čuvanja tajnosti tih podataka prema *Korisniku*.

### **Član 10.5. Dopune i izmjene**

O bilo kakvim dopunama i izmjenama *Pravila za unutardnevnu dodjelu prekograničnih kapaciteta* *Korisnici* moraju biti obaviješteni tako što će na internet stranicama *NOSBiH*-a i

CGES-a biti objavljena odgovarajuća nova verzija ovih pravila. Takvo obavještenje mora da sadrži informaciju o članovima koji su dopunjeni ili izmijenjeni, i datum kada nova verzija *Pravila za unutarnevnu dodjelu prekograničnih kapaciteta* stupa na snagu. Osim ukoliko se ne navede u odgovarajućoj novoj verziji *Pravila za unutarnevnu dodjelu prekograničnih kapaciteta*, nije potrebna nikakva nova registracija i *Korisnici* prihvataju nova *Pravila za unutarnevnu dodjelu prekograničnih kapaciteta* daljim učestvovanjem u postupku dodjele unutarnevni *Kapaciteta*.

#### **Član 10.6. Zakoni koji se primjenjuju i rješavanje sporova**

Svi sporovi između *NOSBiH*-a i *Korisnika* koji proisteknu iz ovih *Pravila za unutarnevnu dodjelu prekograničnih kapaciteta* rješavat će se isključivo po zakonima BiH.

#### **Član 10.7. Obavještenja**

Osim gdje to drukčije nije predviđeno *Pravilima za unutarnevnu dodjelu prekograničnih kapaciteta*, bilo koje obavještenje dato na osnovu *Pravila za unutarnevnu dodjelu prekograničnih kapaciteta* mora biti dostavljeno u pismenoj formi na adrese navedene u Aneksu 2.

#### **Član 10.8. Spisak aneksa**

Aneks 1	Registracioni formular
Aneks 2	Spisak osoba za kontakt
Aneks 3	Rokovi za unutarnevne procedure
Aneks 4	Registracija na alokacionu platformu

## Aneks 1. Registracioni formular

Registracioni formular za učešće u postupku dodjele unutardnevnog kapaciteta na granici BiH - Crna Gora za period 01.01.20\_\_ . god. - 31.12.20\_\_ . god.

<b>Naziv preduzeća/preduzetnika</b>	
<i>EIC-kod</i>	
<b>Adresa, zemlja</b>	
<b>Broj iz privrednog registra</b>	
<b>Ime i prezime ovlaštenog predstavnika</b>	
<b>PDV broj</b>	
<b>ID broj / PIB</b>	
<b>E-mail adresa</b>	
<b>Telefon br.</b>	
<b>Faks br.</b>	

Ovim izjavljujemo da namjeravamo učestvovati u postupku dodjele unutardnevnog kapaciteta na granici BiH - Crna Gora. Ispunjavamo sve uslove za učešće propisane *Pravilima za unutardnevnu dodjelu prekograničnih kapaciteta na granici regulacionih oblasti Nezavisnog operatora sistema u BiH (NOSBiH) i Crnogorskog elektroprenosnog sistema AD ("CGES") za 20\_\_ . godinu*" (u daljem tekstu: *Pravila za unutardnevnu dodjelu prekograničnih kapaciteta*). Pročitali smo i u potpunosti prihvatamo da postupamo i preuzimamo sve obaveze saglasno odredbama i informaciono-tehnološkim uslovima propisanim *Pravilima za unutardnevnu dodjelu prekograničnih kapaciteta* koja su objavljena na internet stranicama *Operatora prijenosnih sistema*.

Potvrđujemo da se prihvatanje našeg učešća u postupku unutardnevne raspodele kapaciteta može povući ukoliko se prekrše odredbe iz *Pravila za unutardnevnu dodjelu prekograničnih kapaciteta*.

Za učesnika na tržištu

Datum: \_\_\_\_\_

\_\_\_\_\_  
Potpis

*Nezavisni operator sistema u BiH* daje saglasnost na Registracioni formular i zavodi ovaj formular pod registarskim brojem: \_\_\_\_\_

Datum: \_\_\_\_\_

*Za NOSBiH*

\_\_\_\_\_  
Potpis

## Aneks 1 - Prilog 1

### Spisak ovlaštenih predstavnika Korisnika

*Korisnik* imenuje sljedeće osobe kao ovlaštene da postupaju u ime *Korisnika* :

- za potpisivanje Registracionog formulara

<b>Ime</b>	<b>Telefon br.</b>	<b>Mobilni telefon br.</b>	<b>Faks br.</b>	<b>E-mail</b>

- za dostavu Zahtjeva za *Unutardnevni ATC Dodjeljivaču prijenosnog kapaciteta*

<b>Ime</b>	<b>Telefon br.</b>	<b>Mobilni telefon br.</b>	<b>Faks br.</b>	<b>E-mail</b>

## Aneks 2. Spisak osoba za kontakt

**Registracione formulare** (videti Aneks 1) učesnici na tržištu moraju dostaviti *Dodjeljivaču prijenosnog kapaciteta* na sljedeću adresu:

### Nezavisni operator sistema u BiH

**Hifzi Bjelevca 17**  
**71000 Sarajevo**  
**Bosna i Hercegovina**

Lično dostavljanje se vrši *Radnim danom* od 09:00 do 14:00 (SEV).

Bilo koja potvrda koju izda *Dodjeljivač prijenosnog kapaciteta* potvrđuje samo datum i vrijeme prijema tog dokumenta, a ne i tačnost ili ispravnost dokumenta.

*Korisnici* se za ostala pitanja mogu obratiti *Dodjeljivaču prijenosnog kapaciteta* preko sljedećih osoba za kontakt:

### Pravila za unutarnevnu dodjelu prekograničnih kapaciteta

Ime	Telefon br.	e-mail	Faks br.
Bojan Rebić	+387 33 720 458	<a href="mailto:b.rebic@nosbih.ba">b.rebic@nosbih.ba</a>	+387 33 720 495 +387 33 720 405

### Registracija *Korisnika*

Ime	Telefon br.	e-mail	Faks br.
Dženeta Erović	+387 33 720 434	<a href="mailto:dz.erovic@nosbih.ba">dz.erovic@nosbih.ba</a>	+387 33 720 405
Vera Kapetina	+387 33 720 445	<a href="mailto:v.kapetina@nosbih.ba">v.kapetina@nosbih.ba</a>	

### Pitanja u vezi postupka unutarnevne raspodele *Kapaciteta* (00:00-24:00)

	Telefon br.	e-mail	Faks br.
Služba za operativno upravljanje	+387 33 720 497	<a href="mailto:dispecer@nosbih.ba">dispecer@nosbih.ba</a>	+387 33 720 495

### Aneks 3. Rokovi za unutardnevne procedure

Vremenski redosljed za svaki sat unutardnevnog procesa opisan je u narednoj tabeli (H je unutardnevni sat dana D)

<b>Unutardnevni period</b>	<b>00:00-24:00</b>	<b>01:00-24:00</b>	<b>02:00-24:00</b>	<b>.....</b>	<b>23:00-24:00</b>
<i>Unutardnevni ATC je dostupan na Alokacionoj platformi (Napomena: stalno se ažurira)</i>	18:00 (D-1)	18:00 (D-1)	18:00 (D-1)		18:00 (D-1)
Vrijeme za dostavljanje Zahtjeva (T)	18:00 (D-1)- 23:00 (D-1)	18:00 (D-1)- 24:00 (D-1)	18:00 (D-1)- 01:00	.....	18:00 (D-1)- 22:00
Vrijeme za <i>Nominaciju</i>	T+60min	T+60min	T+60min	.....	T+60min
Potvrda konačnih <i>Nominacija</i> i bosanskohercegovačkog <i>ITR-a</i>	23:35 (D-1)	00:35	01:35	.....	22:35
Objava rezultata dodjele unutardnevnih kapaciteta	18:00 (D+1)	18:00 (D+1)	18:00 (D+1)		18:00 (D+1)

## Aneks 4. Registracija na alokacionu platformu

### Učesnik na tržištu

<b>Puni naziv:</b>	
<b>EIC kod:</b>	
<b>Ovlašteno lice:</b>	

Učesnik na tržištu zahtijeva:

- postavku (*setup*)
- modifikaciju
- brisanje

korisničkog naloga na alokacionoj platformi za sljedećeg korisnika:

### Korisnik

<b>Ime i prezime:</b>		
<b>Elektronska adresa:</b>		
<b>Telefon:</b>		
<b>Elektronska adresa</b>	<b>Šalje</b>	<b>Prima</b>
za <i>ECAN</i> razmjenu fajlova sa alokacionom platformom:		

Na osnovu pravila za dodjelu kapaciteta, čiji je sadržaj poznat gore navedenom korisniku, korisnik je ovlašten da vrši operacije na alokacionoj platformi u skladu sa pravima korisnika i u tom slučaju zastupa gore navedenog učesnika na tržištu.

Informacije za prijavljivanje (korisničko ime i lozinka) biće poslate korisniku na gore navedenu elektronsku adresu (e-mail), a on je prilikom prvog prijavljivanja obavezan lozinku promijeniti.

Datum \_\_\_\_\_

\_\_\_\_\_  
Ovlašteno lice učesnika na tržištu

\_\_\_\_\_  
Korisnik